

## में तो दौड़ी दौड़ी मंदरिया में जाऊं

म्हारा सपना में आयो सांवरियो,  
म्हारा सपना में आयो सांवरियो.....

घर में नी लागे मन बाहर लागे,  
दौड़ दौड़ मन सत्संग भागे,  
म्हने हरी की तो हर घड़ी आवे रे माय,  
सपना में आयो सांवरियो,  
म्हारा सपना में आयो सांवरियो॥  
में तो दौड़ी दौड़ी मंदरिया में,  
जाऊं मेरी माय,  
सपना में आयो सांवरियो.....

नातो नहीं लागे मने रिश्तो नी लागे,  
नाती नहीं लागे मने पोती नी लागे,  
म्हारो नटवर नागर से नातो ए माय,  
सपना में आयो सांवरियो,  
म्हारा सपना में आयो सांवरियो.....

नींद नी आवे म्हने आनंद आवे,  
सपनो में आकर मन ललचावे,  
मने छम छम करि चमकावे ए माय,  
सपना में आयो सांवरियो,  
म्हारा सपना में आयो सांवरियो ॥  
में तो दौड़ी दौड़ी मंदरिया में,  
जाऊं मेरी माय,  
सपना में आयो सांवरियो.....

लाज भी आवे मने घणो यो लजावे,  
घर में जा सो गई लाज के मारे,  
मने हिचकी दे दे बुलावे ए माय,  
सपना में आयो सांवरियो,  
म्हारा सपना में आयो सांवरियो॥  
में तो दौड़ी दौड़ी मंदरिया में,  
जाऊं मेरी माय,  
सपना में आयो सांवरियो.....

खानो नहीं भावे मने पीनो नहीं भावे,

रास रचइयो म्हेने घणो तरसावे,  
मने मोहनिया री मूरत घणी भावे ए माय,  
सपना में आयो सांवरियो,  
म्हारा सपना में आयो सांवरियो।।  
मैं तो दौड़ी दौड़ी मंदरिया में,  
जाऊं मेरी माय,  
सपना में आयो सांवरियो.....

कमल नी भावे मने चमन नी भावे,  
गगन नी भावे मने वतन नी भावे,  
काली कमली वालो घणो भावे ए माय,  
सपना में आयो सांवरियो,  
म्हारा सपना में आयो सांवरियो।।  
मैं तो दौड़ी दौड़ी मंदरिया में,  
जाऊं मेरी माय,  
सपना में आयो सांवरियो,  
म्हारा सपना में आयो सांवरियो.....

<https://bhajanganga.com/bhajan/lyrics/id/23418/title/main-to-dorhi-dorhi-mandirya-me-jau>

अपने Android मोबाइल पर [BhajanGanga](#) App डाउनलोड करें और भजनों का आनंद ले |